



Ebu Hurejra, radijallahu anhu, prenosi da je Poslanik, sallallahu alejhi ve sellem, kazao: „Kada se približi Sudnji dan, gotovo da će svaki san koji usnije musliman biti istinit. San musliman jest jedan od četrdeset i šest dijelova poslanstva“ (Muttefekun alejh). U drugoj verziji stoji: „Onaj ko govori istinitije, taj ima istinitije snove.“

„Kada se približi Sudnji dan, gotovo da će svaki san koji usnije musliman biti istinit. San musliman jest jedan od četrdeset i šest dijelova poslanstva“ (Muttefekun alejh). U drugoj verziji stoji: „Onaj ko govori istinitije, taj ima istinitije snove.“

[Vjerodostojan] [Muttefekun alejh]

Pred Sudnji dan snovi vjernika bit će istiniti. Nekada će biti vijest o nečemu što se desilo, a nekada će se desiti ono što se usnilo. Ovi snovi bit će poput objave kada je u pitanju istinitost onoga na šta ukazuju. "San muslimana jest jedan od četrdeset i šest dijelova poslanstva", tj. jedan od djelova znanja vjerovjesništva u smislu da je u tome obavijest o nevidljivom svijetu. Vjerovjesništvo je okončano, ali rad prema njemu ostaje. Ovaj broj posebno je izdvojen, jer je životni vijek Poslanika, sallallahu alejhi ve sellem, po većini ispravnih predaja, trajao 63 godine, dok je period vjerovjesništva trajao 23 godine. On je imao punih 40 godina kada je počelo objavljivanje Kur'ana, a prije poslanstva, šest mjeseci imao je istinite snove koji su mu se ostvarivali. Zatim je vidio meleka u budnom stanju. Kada se uporedi period objave Kur'ana u snovima, tj. šest mjeseci, sa periodom vjerovjesništva, tj. 23 godine, tada šest mjeseci iznosi pola jednog od 23 dijela, a to je jedan dio od 46 dijelova. „Onaj ko govori istinitije, taj ima istinitije snove.“ Ovo znači sljedeće: sve što je čovjek iskreniji u svome govoru, bliži Allahu, sve je veća mogućnost da mu se snovi ostvare, zbog toga je u hadisu Buharija naglašeno: "Lijepi snovi koje usnije dobar čovjek..." Onaj ko nije iskren u govoru i ko radi loša djela i javno i tajno, ima snove koji su u većini slučajeva šejtansko poigravanje. Ibnul-Kajjim zapaža: "Onaj ko želi da mu se lijepi snovi ostvare, neka bude iskren, neka konzumira samo ono što je dozvoljeno, neka vodi brigu o naredbama i zabranama, neka spava potpuno čist, okrenut prema kibli i neka spominje Allaha dok ga san ne savlada. U tom slučaju, njegovi snovi gotovo nikada ne budu lažni."

النجاة الخيرية
ALNAJAT CHARITY

